

Suara Jabatan Agama Kedah Terhadap Poligami

Di dalam siarannya, Jabatan Agama Kedah telah mengulas bagaimana salahnya pendapat menegah adanya poligami.

Siaran ini kita siarkan dengan ringkasnya di bawah ini moga-moga ia diperhati oleh ahli-ahli, atau sekurang-kurangnya bekas ahli-ahli Majlis Penasihat Islam Singapura yang nampaknya cuba menghalang poligami dengan mengadakan peraturan-peraturan memayahkannya. Ini lebih-lebih lagi patut diperhatikan oleh *Chief Kadi* dan yang Dipertua Mahkamah Syariah Singapura. Beliau-beliau ini kalau tidak bersetuju dengan pendapat dan alasan ini, mustahak mengulasnya supaya orang tahu akan perdiriannya. Qalam bersedia menyiarakan pendapat-pendapat dari beliau-beliau ini - P.

Mustahak Adanya Ladang Yang Luas

1. Oleh kerana kaum lelaki yang bertanggungjawab penuh bagi mempertahankan agama, tanah air, nyawa dan harta benda. Dan kewajipan ini biasanya membawa kepada pengorbanan jiwa tidak sedikit maka barang tentu bilangan lelaki tidak akan seimbang dengan bilangan kaum perempuan.

2. Islam sangat-sangat menggalakkan penanaman modal dan benih manusia di atas miliknya masing-masing untuk faedah kemakmuran manusia.

Oleh itu sangatlah mustahaknya kepada ladang-ladang yang luas lagi subur. Maka oleh kerana ladang-ladang yang tersebut ada kalanya mandul ada kalanya langsung tidak berbaja, ada kalanya tidak mendatangkan hasil sebagaimana yang dikehendaki dan boleh jadi berpenyakit.

3. Oleh kerana sara hidup kaum-kaum isteri tertanggung ke atas kaum-kaum suami yang kejadian mereka itu dengan segala tanggungan-tanggungan yang berat dan sulit, dan dibentukkan tubuh badan kaum-kaum isteri sesuai dengan kandungan anak-anak dan bersalin, serta dihiaskan mereka itu dengan berbagai-bagai daya penghibur kepada hati-hati yang duka, badan-badan yang lesu penat lelah segala-galanya bagi faedah membinakan kebahagiaan rumah tangga, gagah dengan banyak tenaga dan besar keluarga, perpanjangan dengan baiknya selesailah keturunan-keturunan dari satu masa ke satu masa.

4. Oleh kerana kaum perempuan berkehendakkan semangat untuk penumpang hidup bahagia kepada kaum lelaki sebagai seorang manusia maka sangatlah tidak adilnya

diharamkan anak-anak kita itu daripada bersuami seumur hidupnya, atau ditinggalkan mereka itu di dalam keadaan baha selama-lamanya tidak terkawal zahir dan batin.

5. Oleh kerana kewanitaannya kaum perempuan bagi satu-satu bangsa kena dipelihara kehormatannya kena dijaga kebersihannya, daripada dicemarkan oleh kebinasaan setengah-setengah lelaki di luar garisan nikah kahwin yang halal.

6. Oleh kerana perjanjian (akad) nikah kahwin mempertetapkan kewajipan-kewajipan suami dan isteri terhadap rumah tangga dan anak pinak dan sebaliknya segala perhubungan selain daripada itu semata-mata membawakan fitnah dan huru-hara di dalam masyarakat.

Lacur.

Mengakhiri keterangannya jabatan tersebut menegaskan, maka oleh kerana apa yang kita sebutkan itu dan lain-lain rahsia lagi, Islam membenarkan kaum lelaki berpoligami, dan mengakui sah, dengan dihadkan sebanyak-banyaknya empat orang isteri kesemua. Sama taraf di segala-gala kewajipan, tidak ada perbezaan di dalam hak-hak pusaka, dan kewajipan ke atas suami melakukan keadilan terhadap mereka itu, dan diadakan hukum mengundi jika ada apa-apa perkara yang tidak boleh diselesaikan melainkan dengannya.

Oleh itu Islam mengutuk segala jenis lacur dan rogol, dan sebarang perhubungan jenis luar daripada nikah kahwin ini.

Jabatan agama itu menerangkan kita tahu setengah

agama mengharamkan poligami demikian juga mengharamkan cerai, dan kita tahu mereka yang beragama itu mengadakan undang-undang mengikut wahyu daripada agamanya, dan kita tahu apa-apa yang berlaku di dalam negeri mereka, dan beberapa banyak setahun bilangan anak-anak di luar nikah, sehingga hampir-hampir halal yang menentang undang-undang itu.

Kita berpendapat cukuplah buat membuktikan bahawa agama Islam juga yang benarnya.

Sebagai buktinya, jabatan tersebut mengemukakan pendapat yang dilahirkan oleh mendiang Bernard Shaw dalam bukunya yang bernama: *Al-Hayātu Al-zawīyah - Penghidupan Berumah tangga*, katanya: "Kerajaan Inggeris akan terpaksa kerana kemajuan-kemajuannya yang tercapai mengambil agama Islam membuat agamanya sebelum daripada tamat abad ini."

Sungguhpun begitu Jabatan Agama Islam Kedah menyatakan rasa penyesalannya terhadap sikap setengah-setengah anak-anak Islam yang masih terpengaruh dengan fahaman-fahaman yang salah dan berani berkata siang-siang hari: "Islam sendiri mengharamkan poligami itu katanya, dalil mereka ialah sambungan ayat 3 Surah Surat al-Nisā' yang membawa erti, "maka jika kamu takut bahawa tak dapat kamu hendak melakukan keadilan, maka hendaklah beristeri satu".

Sikap Adil

Kerana katanya Tuhan mengharuskan berpoligami dengan syarat kuasa melakukan keadilan, dan katanya, di dalam ayat yang lain Tuhan menafikan kekuasaan itu yang erti firmanya:

"dan tidak sekali-kali kamu berkuasa mengadakan keadilan di antara isteri-isteri kamu walaupun kamu benar-benar ingin hendak mendirikan keadilan" Keputusannya: tidak ada poligami di dalam Islam.

Mereka telah memesongkan kehendak ayat itu supaya sesuai dengan fahaman barat pada zahirnya bertujuan baik tetapi sebaliknya dusta dan dosa, kerana dikehendaki dengan adil yang dinafikan itu ialah adil hati. Kasih sayang dan cinta.



Yang Berhormat Menteri Besar Terengganu Dato' Ibrahim Fikri sedang menyampaikan hadiah loket emas dari kerajaan Terengganu kepada Puan Gayah Binti Sulong Johan Kebangsaan Bacaan al-Qur'an al-Karim tahun 1961 dan 1963 di Istana Badariah Kuala Terengganu sebelum Puan itu berangkat ke Makkah.

Oleh itu Nabi Muhammad (S.A.W) memohon ampun: *"Ya Allah Ya Tuhanku ini kuasa, maka janganlah bahagian-bahagian yang aku Engkau mengambil kira apa yang tidak ada pada aku dan ianya ada di dalam kekuasaan Engkau."*

Dan bukanlah adil yang lain daripada itu dikehendaki di sini, kerana firman Tuhan yang erti:

"Dan janganlah kamu menghimpunkan dua beradik sekali sebagai isteri."

Ini bertujuan untuk harus menghimpunkan isteri-isteri yang bukan bersaudara- dengan mengikut mafhum mukhalafah dan difaham seperti ini juga daripada sabda Nabi (S.A.W).

"Tidak boleh dinikah seseorang gadis atas emak saudaranya sebelah ayah dan ibu, dan atas anak saudaranya: "lelaki dan perempuan iaitu selain daripada itu maka bolehlah dihimpunkan hingga sampai sebanyak-banyaknya empat orang isteri, dan telah pun diamalkan hukuman ini di zaman Rasulullah (S.A.W) sendiri."